

本草述

上海萬有書局印行

【十】

萬有書局新書目錄

(一) 醫 書

萬有丹方治病指南	黃庭蓀輯	八角七折
家庭治病新書	張若霞著	四角七折
食物治病新書	張若霞著	四角七折
四明宋氏女科秘書	宋林華著	四角七折
潘雲龍經驗良方	潘雲龍著	四角七折
增訂蕭山竹林寺婦科史	潘雲龍著	四角七折
種子第一金丹	萬波居士述	三角七折
婦女攝養新書	萬波居士述	三角七折
女子培植秘訣	萬波居士述	三角七折
養生秘訣	九一老人述	六角七折
溫病三字經	周松仙著	一角七折
外科三字經	周松仙著	一角七折
兒科三字經	周松仙著	一角七折

(二) 雜 書

胡鄒卿晚年畫牘	胡鄒卿繪	八角七折
香港紀略	賴連三著	八角七折
賴連三詩稿	賴連三著	二角七折
黃庭經發微	董德寧註	八角七折

●上列各書由麥家圈益新書局代售
外埠另加郵費一成

版 權 所 有 不 准 翻 印

中華民國二十二年三月出版

萬有叢書之一——醫學類

(本) (草) (述)

全書十冊(上下二函)

定價 連史 七元
油光紙 五元

著 者 潛 江 劉 若 金

校 訂 者 薛 秉 之

印 刷 暨 發 行 者 上 海 萬 有 書 局

總 經 售 處 山 東 路 十 三 號 上 海 中 醫 書 局

三 馬 路 廿 三 號 上 海 千 頃 堂 書 局

雙 門 底 廣 州 林 記 書 莊

天 外 天 街 暹 京 世 界 書 局

本草述卷之二十九

潛江劉若金先生著

武進薛恮東之氏校訂

介部

●龜 惡沙參 蜚廉畏胸貼瘦銀

水龜甲

一名敗龜板

氣味甘平有毒

甄權曰無毒

時珍曰按經云中濕者有

毒則不中溼者無毒矣

下甲主治補陰陰血不足去瘀血

震亨破癥瘕痰瘰經本

止血痢

震亨

五痔陰蝕濕痺四肢重弱

經本

及血麻痺

日華

續筋骨

震亨

補心腎

時珍

除

驚恚氣心腹痛骨中寒熱

別錄

並治女子漏下赤白小兒顛不合

經本

燒灰傅臙瘡

時珍

久服益氣

別錄

丹溪曰敗龜板屬金而有水陰中陽也大有補陰之功而木

草不言惜哉其補陰之力而兼去瘀血續筋骨治勞倦其能補陰者蓋龜乃陰

中至陰之物稟北方之氣而生故能補陰治陰血不足止血利治四肢無力

時珍曰龜鹿皆靈而有壽龜首常藏向腹能通任脈故取其甲以補心補腎補

血皆以養陰也鹿鼻常反向尾能通督脈故取其角以補命門補精補氣皆以

養陽也乃物理之玄微神工之能事觀龜甲所主諸病皆屬陰虛血弱自可心

解矣 愚按能通任脈使會督會督而後任脈通是陰中有陽也能通督脈使

會任。會任然後督脈通。是陽中有陰也。希雍曰：介蟲三百六十而龜為之長，稟金水之氣，故味鹹而甘，氣平，氣味俱陰，入足少陰經。方家多入補心藥，用以得水火既濟之義，而借其氣以相通實，非補心之正藥也。

愚按：龜能閉息，其首常藏向腹，使任脈常合於督也。鹿鼻常反向尾，使督脈常合於任也。蓋任督二脈，原同源而分。龜鹿能使分者常合，此其所以壽也。龜板固能補陰，詎知其所補者陰氣，其所以能補陰氣者，為其陰中含陽也。觀本經主治小兒顛不合，其不合者，由於腎氣之不足也。夫腦為髓海，而足太陽入絡於腦，乃督脈固附足太陽膀胱之脈者，則其能治顛顛，豈非任之合於督以為腎氣者？丹溪謂為陰中陽，亦為能察物矣。故其破癥瘕、破瘀血、續筋骨、益勞倦等證，皆其益陰氣之功。丹溪曰：陰足而血氣調和，則瘀血癥瘕自消，崩帶血痢自治，筋骨自健。若然是朱先生之所謂主陰血不足者，蓋從補陰氣中而血自足者也。原理云：痛風證氣虛者，主方加參朮龜板。然則破癥瘕等種種之功，不必借陽以行陰之滯，乃即陰而達陽之用。此所謂大能補陰者，如以純陰為補，庸可幾乎？蓋少陰腎經曰：陰中之至陰。然又曰：陰中之少陰。以此合於龜之使任常合腎者，則又曰：為陰中至陰之物。先生猶似察焉，而未精者歟。

附方 抑結不散用龜下甲

酒炙五兩側柏葉炒一兩半香附童便浸炒一兩為末米糊丸梧子大每空心
溫酒服一百丸 胎產下痢用龜甲一枚醋炙為末水飲服一錢日一 臙瘡
朽臭生龜一枚取殼醋炙黃更煨存性出火氣入輕粉麝香葱湯洗淨搽敷之
龜肉 氣味甘酸溫無毒 主治釀酒治風痛緩急四肢拘攣或久癰緩不收

皆效

蘇恭

愚按龜板為治痛風要藥。丹溪於陰火痛風必用之。蓋因其多屬血虛而血藏
即風水之藏也。然實取其能益陰氣。故本經云治濕痺。乃陰氣不足之溼以成
痺者也。若屬於感受之溼。以是投治。可乎。不觀其更用之治食積而肩腿痛者
乎。經曰。陰之所生。本於五味。陰之五宮。傷於五味。夫五藏之傷。屬於味之陰矣。
不從陰氣之所生者。以為治。而漫然謂其益血。為能中的也。不同於夢哉。附
方 筋骨疼痛用烏龜一個分作四脚每用一脚入天花粉枸杞子各一錢二
分雄黃五分麝香五分槐花三錢水一椀煎服

龜溺

以猪鬃或粉葉
刺其鼻即尿出

主治滴耳治聾

藏器

點舌下治大人中風舌瘡小兒驚風

不語磨胸背治龜胸龜背

時珍

時珍曰龜尿走竅透骨故能治瘡聾及龜背染

髭髮也按响屨神書言龜尿磨瓷器能令軟磨墨書石能入數分即此可推矣

附方 小兒龜背以龜尿磨其胸背久久即瘥 中風不語烏龜尿點少許於舌下神妙

希雍曰龜甲妊婦不宜用病人虛而無熱者不宜用

修治 中梓曰按格物考云天有先春之震山多自死之龜龜聽雷音則口中所含以蟄者便吐而昂首時令尚早無蟲可食多致餓死血肉腐爛滲入下甲此真敗龜板也又陽龜殼圓板白陰龜殼長板黃陰人用陽陽人用陰 時珍曰以龜甲鋸去四邊石上磨淨灰火炮過塗酥炙黃用亦有酒炙醋炙猪脂炙燒灰用者 希雍曰凡入藥須研極細不爾留滯腸胃能變癥瘕也

●鼈甲

鼈甲 氣味鹹平無毒 諸本草主治益陰補氣除老瘡瘻母療勞瘦骨熱骨節間勞熱結實壅塞除心腹癥瘕堅積寒熱血瘕腰痛小兒脇下堅癥勞復女勞復斑痘煩喘小兒驚癇婦人產後陰脫去息肉陰蝕痔核惡肉 方書主治虛勞瘧症積聚脚氣咳嗽血盜汗中風往來寒熱痞證咳嗽不得卧消瘴小便不禁痔 宗奭曰經中不言治勞惟藥性論言治勞瘦骨熱故虛勞多用之然甚有據但不可過劑耳 時珍曰鼈亦龜類然功各有所主鼈甲乃足厥陰血

分之藥也。鼈色青入肝，故所主者瘡、勞、寒、熱、疰、瘕、驚、癇、經、水、癰、腫、陰、瘡，皆厥陰血分之病也。水龜色黑入腎，故其甲所主者陰虛、精弱、腰脚痠痿、陰瘡、洩、痢，皆少陰血分之病也。介蟲陰類，並主陰經血分之病，從其類耳。希雍曰：鼈甲其味鹹，平潤，下作鹹象，水明矣。本乎地者，親下益陰，何疑然？本經甲之主治瘕瘕，堅積寒熱，去息肉，陰蝕痔核惡肉，是本於益陰，而更以鹹能軟堅之故歟？別錄除瘡者，以瘡邪為病類，病於陰虛之人，乃為暑所深中，邪入陰分，故出併於陽而熱甚，入併於陰而寒甚。至元氣虛羸，則邪陷而結為瘡。母甲能益陰除熱而消散，故為治瘡之要藥。亦是退勞熱在骨及陰虛往來寒熱之上品。血瘕腰痛，小兒脇下堅，背陰分血病，宜其悉主之矣。勞復、女勞復，為必須之藥。勞瘕、骨蒸，非此不除。產後陰脫、資之尤急。仲景鼈甲煎丸治瘡母之要藥。得牛膝當歸佐以橘皮，何首烏知母、麥門冬治久瘡。同知母、石膏、麥門冬、貝母、竹葉治溫瘡熱甚渴甚，無肺熱病者。加人參若瘡發熱甚渴甚，又寒甚汗多發時，指甲黯狀若欲死，并加桂枝有神。去桂枝治瘡瘕良。得青蒿、麥門冬、五味子、地黃、枸杞、牛膝治骨蒸勞熱甚，則加銀柴胡、地骨皮、胡黃連。

愚按鼈甲類言其益陰是矣。第不細繹丹溪之云補陰而更云補氣也。蓋氣有

陽氣陰氣之殊。先哲頗能言之。且本於內經。可證也。經曰。陰虛則無氣。無氣則死。蓋唯是真陰之氣。有化乃有生。有生即有化。故本經首云。主治心腹癥瘕。堅積寒熱。即別錄豎甄權日華子本草。無不以溫瘧血癥宿食冷塊。痞癖冷癥。及破癥結為言也。至丹溪乃揭出補陰補氣以為言。可謂探其要領矣。宗奭所謂經中不言治勞。然治虛勞多用之。亦甚有據者。以是言合於方書之主治。良不謬也。如先哲曰。五藏雖皆有勞。而心腎為多。心主血。腎主精。精竭血燥。則勞生焉。即斯以思其所治之方。有用鼈甲者。如清骨散。固謂其治骨蒸勞熱也。如扶羸湯。是除骨蒸勞熱而兼以益精血之味也。又麥煎散。云治少男室女骨蒸黃瘦。口臭肌熱盜汗。即此參之。則此證乃先哲所謂七情之為病也。先哲又云。虛勞發熱。未有不由瘀血者。而瘀血未有不由內傷者。又云。凡虛勞證。大抵心下引脇俱痛。蓋滯血不消。新血無以養之也。故麥煎散中用鼈甲。而同於乾漆以化積熱。祇是故耳。仲景金匱治五勞七傷等證。有大黃蟅蟲丸。蓋以此丸先行。味即以通壅為滋補。所以乾血去病根已剷。而後可從事於滋補之劑耳。詎如茲謂勞瘦骨蒸。非此不除也。又虛勞方中亦用大黃。因此證有熱者。暫用此味折其炎上之勢。而引之下行也。又有清熱之味。同於歸地。而復投白朮者。使中土不受困。而藥味得行於經也。又秦艽鼈甲散。此透肌退熱。在諸劑中之一方也。

以上數方。是皆同鼈甲而用者。雖其佐助之義各有所主。而其用鼈甲以入諸味者。不外於補陰氣以為功也。又如治瘡。按金匱問曰。瘡以月一日發。當十五日愈。設不愈。當月盡日解也。如其不差。當云何。師曰。此結為癰瘕。名曰瘡母。治之宜鼈甲煎丸。又瘡母丸。服之積消及半而止。又諸久瘡及處暑後冬至前後瘡。及非時之間日瘡。並用瘡母丸法治之。以鼈甲為君。又云瘡之間日發者。其氣之舍深內薄於陰。陽氣獨發。陰邪內着。陰與陽爭不得出。故間日而作也。統前義而繹之。則鼈甲之治瘡。固益陰氣者也。且治瘡母尤專。所名瘡母。即結為癰瘕者。更可見諸本草之用鼈甲。無不以療血癰癰塊云云為言者。固有見於茲味陰氣之專。即化以為生也。更治腳氣。按腳氣證。唯是陰不升而陽不降耳。蓋足為三陰所起之地。然此即三陽所歸之地。以陰為陽之原也。如三陰有不足。不能上而召陽之歸。則三陽失所守。不能下而和陰之滯。故陰壅於下。而陽逆於上。此腳氣之病所由也。如方書治腳氣。有大鼈甲湯。云治腳弱攣痺氣上及溫毒熱毒四肢痺弱。非由於陰不足而不能升。致陽失所守而不能降之故乎。觀其以鼈甲為君。可知矣。又鼈甲散。及木香散。皆云治腳氣心腹脹滿。但一則云并治小便不利。一則云治堅硬不消。夫腳氣而曰心腹脹滿。則由於陰不

升以致陽不降也。其小便不利。非陽不得陰以歸而達於下乎。即心腹之堅硬不消。非陰不能得陽以化而暢於上乎。二證雖鼈甲與諸味等分。然以和陰陽之升降。固與鼈甲為同氣相求者矣。至於積聚之所治。按靈樞言積皆生於風雨寒暑清溼喜怒。喜怒不節則傷藏。藏傷則病起於陰。陰既虛矣。則風雨襲陰之虛。病起於上而生積。清溼襲陰之虛。病起於下而生積。此經言積所由生之要領也。故方書之用鼈甲。同諸味以治積者。如鼈甲丸之於肝積為肥氣。乾漆丸及半夏散之於心積為伏梁。又鼈甲丸之於脾積為痞氣。四方雖各有不同。然總歸於入足厥陰。手少陰。足太陰之藏也。以鼈甲陰氣之專。入三陰而行其積。固有得於氣之相應者矣。又削堅丸之治五積六聚。由於氣結成塊。食積癖瘕者。雖不專藉鼈甲。然亦同乾漆三稜為君。則積之本於陰虛而生者。其義不爽。固不能舍專於陰氣之味以奏效也。次而咳嗽血及盜汗證。如嗽血有二方。一黃芪鼈甲散。一人參黃芪散。皆是治虛勞有客熱者。第前證其客熱為甚。而後證乃其未甚者也。甚則熱結。正甄權所云骨節間勞熱結實壅塞。故加涼血散結之味。然鼈甲不分甚與不甚而皆用之。緣但屬客熱。而益陰氣之味不可少也。又盜汗證二方。一麥煎散。首云營衛不調。夜多盜汗。一青蒿散。首云虛勞

盜汗是固大有別矣。況後方之勞證畢具乎。臨病者不可例視盜汗而誤投劑。然用鼈甲則一也。雖然若茲味入諸味中以療所患者。但止以上數證。哉是舉其主治尤切者。明悉其治義。俾用者推類以盡其變。而更尋其要領耳。要領云何。總不外於補陰補氣也。即如遺精正方書中治其虛而無熱者。唯此一種。則凡用茲種之微義。不可想見乎。又即女子漏下而鼈甲療之。却又用行瘀血。是豈謂其能止復能行乎。蓋此味專補陰氣。如漏下屬陰氣虛而不能固也。如瘀血亦屬陰氣虛而不能流貫於經絡也。但就女子經血一證。可以推其所治之諸證。固惟是專補陰氣。如經所謂知其要者。一言而終也。知要然後可以盡變。又寧惟是鼈甲一種乎哉。附方於左。陰虛夢遺不禁用九肋音勒脇骨也鼈甲不以多少去裙襴淨洗過燒灰存性研為細末。每服一字用清酒小半盞。薑便小半盞陳蔥白七八寸同煎至七分去蔥白和滓。日西時服。須臾得粘臭汗為度。次日進粟米粥。忌食他物。奔豚氣痛上沖心腹。鼈甲醋炙三兩。京三稜煨二兩。桃仁去皮尖四兩。湯浸研汁三升。煎二升。入末煎良久。下醋一升。煎如餲。以瓶收之。每空心酒服半匙。血瘕癥癖。甄權曰。用鼈甲琥珀大黃等分作散酒服二錢。少時惡血即下。若婦人小腸中血下盡即休服也。婦人漏下。甄權曰。

鼈甲醋炙研末清酒服方寸匕日二 又用乾姜鼈甲訶黎勒皮等分為末糊

丸空心下三十九日再 婦人難產鼈甲燒存性研末酒服方寸匕立出 沙

石淋痛用九肋鼈甲醋炙研末酒服方寸匕日三服石出瘕 吐血不止鼈甲

蛤粉各一兩同炒色黃熟地黃一兩半曬乾為末每服二錢食後茶下 癰疽

發喘小便不利者用鼈甲二兩燈心一把水一升半煎六合分二服凡患大小

便有血者中壞也黑厭無膿者十死不治

鼈肉 氣味甘平無毒 主治傷中益氣補不足 別錄去血熱益陰補虛 頌作丸

服治虛勞瘕癖脚氣 珍婦人帶下血瘕腰痛 日華子

鼈頭 主治脫肛 附方 蝟皮散治肛門脫出不收蝟皮磁石桂心鼈頭為

細末服 伏龍肝散治陰證脫肛伏龍肝鼈頭骨百藥煎為末紫蘇湯溫洗清

油調塗 此證前內治後外治皆用鼈頭後云陰證者以其有陽證另用他藥

也

頭血 主治塗脫肛 甄權風中血脈口眼喎斜小兒疳勞潮熱 時珍曰按干

金方云目瞤唇動口喎皆風入血脈急以小續命湯服之外用鼈血或雞冠血

調伏龍肝散塗之乾則再上甚妙蓋鼈血之性急縮走血故治口喎脫肛之病

附方 小兒疳勞治潮熱往來五心煩躁盜汗咳嗽用鼈血丸主之以黃連胡黃連各稱二兩以鼈血一盞吳茱萸一兩同入內浸過一夜炒乾去茱血研末入柴胡川芎蕪荑各一兩人參半兩使君子仁二十個為末煮粟米粉糊和為丸如粟米大每用熟水量大小日三服

合論鼈鼈 希雍曰按二甲本經所主大畧相似二者咸至陰之物而其所入稍異鼈甲走肝益腎以除熱鼈甲通心入腎以滋陰惟鼈甲無毒可多用耳愚按鼈鼈二甲咸屬至陰是矣第其用實有不同者鼈能旋轉任脈以會督猶人身任脈之為用原不離乎元陽如鼈之運陰以會陽是還乎真陰之元也鼈則無耳以眼聽蓋其精專肝竅即膽亦異眾而味大辛之頤所謂金木交互肝固喜辛為其從陰升陽也然與膽為表裏謂其為厥陰肝少陽膽血分之氣藥者良然是達乎真陰之用也經曰一陰為獨使先哲云任脈附足厥陰為生化之元之二語者可參鼈鼈之用焉夫任脈司人身生化之元然不會於督則陰非真陰而陰無以化故鼈之補陰者為其本於真陰之元也任司生化之元而附於足厥陰以行其化所以三陰之脈唯足厥陰與督脈會於巔焉經所謂一陰為獨使者也故鼈之益陰者為達其真陰之用也知乎此則體用動靜大有

區別。審證察脈。隨所宜以授之。庶不致誤。言益陰而奏效少也。

簡誤曰。鼈甲妊娠禁用。凡陰虛胃弱。陰虛泄瀉。產後泄瀉。產後飲食不消。不思食及嘔惡等證。咸忌之。

修治 數曰凡使要綠色九肋多裙重七兩者為上用六泥固瓶子底待乾

安甲於中以物揶

音支揶梧也

起若治癥塊定心藥用頭醋入瓶內大火煎盡三升

乃去裙肋骨炙乾入用若治勞去熱藥不用醋用童子小便煎盡一斗二升乃去裙留骨石白搗粉以雞胗皮裹之取東流水三升盆盛閤於盆上一宿取用力有萬倍也 時珍曰按衛生寶鑑云凡鼈甲以煨竈灰一斗滔五升浸一夜煮令爛如膠漆用更佳桑柴灰尤妙

● 牡蠣

出東海池澤及南海廣闊永嘉海旁皆有之初生時假水沫旁石向日者漸結成形大如拳石四面漸長至數丈或數十丈硨磲如房房多左顧嶺巖如山連絡不動房中有肉大者如馬蹄小者如指面名曰蠣黃潮未房開潮去房闔開時納小蟲以充腹海人欲取其肉鑿房火迫得之以錐鑿房用烈火迫開方得挑取其肉

氣味鹹平微寒無毒 諸本草主治益腎清熱固精收瀋氣虛崩帶歛虛汗止
虛熱渴除煩滿心脇下痞熱堅滿除留熱在關節營衛虛熱去來不定利水溼
化老痰軟積氣之痞消疝瘕積塊癰疾結核 方書主治遺精赤白濁自汗盜
汗小便數及不禁消痺泄瀉瘡脇痛積聚癰癧洩血虛營中風惡寒 復曰牡
蠣單生無偶而左顧者當屬一陽故本經所主皆少陽所生病也 之頤曰此
溼生也溼以合感飲水之融攝山之結合感成形者也但礪礪連絡堅固不遷
宛若山水之附贅懸疣耳其啓閉候潮誠應開闔之關鍵陰陽之樞紐者味鹹
氣寒體於水而用於水不離水相故爾 潔古曰牡水之主以制陽光則渴飲
不思故蛤蠣之類能止渴也 類明曰成聊攝云牡蠣收斂浮越之正氣不使
其正氣浮散也又謂其益精氣蓋藏精者腎此味入腎其能益精氣者即其收
瀋不泄之功也 無己曰牡蠣之鹹以消胸膈之滿以泄水氣使痞者消硬者
柔也 權曰病虛而多熱者宜同地黄甘草用之 海藏曰牡蠣入足少陰為
要堅之劑以柴胡引之能去脇下硬以茶引之能消項上結核以大黄引之能
消股間腫以地黄為使能益精收瀋止小便腎經血分之藥也 述曰以貝母
為使能消積癖痰結同麻黃根作散斂陰汗共杜仲煎湯固盜汗和澤瀉為劑

主髓疽日深嗜卧 希雍曰牡蠣得海氣結成故其味鹹平氣微寒無毒氣薄
味厚陰也降也入足少陰厥陰少陽經鹹屬水屬陰而潤下善除一切留熱為
病 同生地黃黃芪龍眼五味子酸棗仁麥門冬白芍藥茯神黃蘗當歸治心
腎虛盜汗 同黃蘗五味子地黃山茱萸枸杞子車前子沙苑蒺藜蓮鬚杜仲
治夢遺泄精加牛膝則兼治赤白濁 同地黃黃蘗阿膠木耳炒黑香附白芍
藥地榆麥門冬續斷青蒿鼈甲蒲黃止婦人崩中下血及赤白帶下

愚按牡蠣為鹹水結成魄然不動固無情者也然其漸長也不可謂無情其房
因潮來而悉開潮不至則合是更在化機中無情而大有情者雖是物亦不知
其所以然也何以故蓋潮汐之消長應月月屬陰乃木之精也然先哲云日者
眾陽之母陰生於陽潮固依於月而亦附於日是故隨日而應月依陰而附陽
盈於朔望消於朏魄虛於上下弦息於輝朏故潮有大小焉即此繹之則牡蠣
之結成也母亦屬於潮氣所以開合俱應於潮歟夫潮本應陰精之月而又假
無成有泡幻立堅豈非得陰氣之最厚者歟得陰凝之厚仍隨潮以為開合則
其陰附於陽陽化於陰之氣機不宛然在茲味歟先哲云海中有魚獸取皮而
懸之潮水至則毛皆起蓋氣盛而類應亦不知其所以然耳是則無情乃更有

情如牡蠣者亦猶是也。先哲謂入足少陰經為腎經血分之藥。又有云。鹹屬水屬陰而潤下。善除一切留熱。似皆指其入腎益陰之功。然而未能明其所以然也。試暢言之。蓋其因潮而結者。本於陰中有陽。即陰亦原資生於陽也。故其開合復應於潮者。雖質屬陰。與海水之諸生化者同。然却有陰能召乎陽以歸陰。而歸陰者。是能化其陰以清陽。其召陽歸陰之功。即本草所謂能收能瀉者也。其化陰清陽之功。即本草所謂能堅消結。清熱除溼者也。蓋其能召陽以歸陰。故陰得陽以化。能化陰以宅陽。故陽由陰而清。閱方書諸證主治。如病於陽虛。投以益陽之味。或兼以除溼。即以茲味之召陽而歸陰者。使陰化於陽。如病於陽實。投以清陽之味。或兼以滋陰。即以茲味之化陰而清陽者。使陽宅於陰。在陽虛之治。若遺精之桂枝龍骨牡蠣湯。玉華白丹。內固丸。又如赤濁之王瓜散。龍骨湯。大茴香丸。固精丸。子午丸。又如小便不禁之兔絲子散。阿膠飲。澤瀉散。桑螵蛸散。小便數之菟絲子散。瀉泄之五味子丸。又如自汗之牡蠣散。盜汗之柏子仁散。皆因陽虛而陰召之者也。在陽實之治。若搜血之牡蠣散。癰證之金匱風引湯。消瘰之天門冬丸。皆因陽實而陰化之者也。又如宜補陽而陰亦虛者。則補陽又恐其益燥。若虛勞之猪脂丸。即以其化陰者而歸陽。又如宜補